

**Жаңалық релизи**

**Алматы уақытымен 12:00/ 0700 UTC 3 тамыз, 2026 жыл дейін жариялауға эмбарго**

# FREEDOM HOLDING CORP. ҚАЗАҚСТАНДАҒЫ ӨНДЕУШІ САЛАЛАР БОЙЫНША PMI®

## Іскери ахуалдың 2022 жылғы наурыздан бергі өте төмен құлдырауы

**Жаңа тапсырыстар саны екі жарым жылдан астам уақыттан бері ең күрт төмендеді**

**Өндіріс көлемі мен жұмыс орындары күрт қысқарды**

**Іскери сенім 2020 жылғы сәуірден бергі ең төмен деңгейде**

2026 жылғы үшінші тоқсан басында Қазақстан өңдеу өнеркәсібіндегі құлдырау тереңдей түсті.

Соңғы екі жарым жылдан астам уақытта жаңа тапсырыс санының өте күрт төмендеуінен компаниялар өндіріс көлемін айтарлықтай азайтып, жұмыс күші мен сатып алу белсенділігін қысқартуға мәжбүр болды. Қазіргі күрделі экономикалық ахуалға орай, өндірушілердің болашақтағы өндіріс көлеміне қатысты оптимистік көзқарасы әлдеқайда төмендеді.


Freedom Holding Corp. ұсынған Қазақстанның өңдеу өнеркәсібінің PMI® индексі (сатып алу менеджерлерінің индексі) маусымдағы 48,5 мәнінен шілдеде 47,0 мәніне төмендеп, өндірушілер үшін іскери ахуалдың ай сайын айтарлықтай нашарлап отырғанын көрсетті. Бұған қоса, сектордағы ахуалдың бұл жолғы құлдырауы 2022 жылғы наурыздан бергі ең айқыны. Жалпы, операциялық ахуал 2026 жылдың басынан бері ай сайын нашарлап келеді.

Бизнес ахуалдың құлдырауына, ең бірінші, жаңа тапсырыстар санының айтарлықтай қысқаруы түрткі болды — бұл 2023 жылғы қарашадан бергі ең төмені. Өндірушілер клиенттер жаңа жобаларға қажет қаржыны тауып беруге қауқарсыз болғанын жиі алға тартты.

Жаңа тапсырыстар санының айтарлықтай қысқаруынан компаниялар жеті ай қатарынан өндіріс көлемін төмендетуге мәжбүр болды. Кейбір респонденттер тапсырыс болмаған соң өндірісті уақытша тоқтатқанын, өзгелері төрт күндік жұмыс аптасына көшкенін хабарлады.

Өз кезегінде, қызметкерлер саны да қысқарды. Бұл ретте, ауқымды қысқарту жүрді, жұмыспен қамту деңгейі 2022 жылдың басынан бері екінші рет өте қатты азайды (биылғы наурыздағы көрсеткіштен кейін). Сектордың әлеуеті қажетті деңгейден артық екенінің қосымша дәлелі — аяқталмаған тапсырыс көлемі маусымдағы

Freedom Holding Corp. Қазақстандағы өңдеуші салалар бойынша PMI Индекс, маус.түзету, >50 = өткен аймен салыстырғанда жақсарған




Дерек 2026 ж.9-24 Шілде аралығында жиналған.

Дереккөз: Freedom Holding Corp. S&P Global PMI. ©2026 S&P Global.

### Пікір

Салтанат Мұхамбеталиева, Freedom Holding Operations ЖШС Экономикалық зерттеулер және талдау бөлімінің басшысы:

«Шілде айында Қазақстанның өңдеу өнеркәсібіндегі құлдырау күшейді. Ең елеулі айлық нашарлау food & drink industry саласында байқалды, онда жаңа тапсырыстар ең көп қысқарды, бұған қарамастан ресми статистика деректеріне сәйкес бөлшек сауда айналымының өсуі жалғасты. Бұл айналым өсімі негізінен нақты сату көлемдерінің артуы есебінен емес, бағаның өсуі есебінен қамтамасыз етіліп отырғанын көрсетеді. Осындай жағдайда жаңа тапсырыстардың төмендеуі банктік кредит беру талаптарының қатаюы аясында айналым қаражатын қаржыландыру мүмкіндіктерінің шектелуін көрсетуі мүмкін. Бизнесінің алдағы бір жылға қатысты күтулері алты жылдан астам уақыттағы ең төменгі деңгейге дейін төмендеді. Біздің бағалауымызша, бұл backlogs of work index көрсеткішінің үш ай қатарынан тарихи әлсіз деңгейлерде сақталуымен де байланысты (кәсіпорындар бұрын алынған тапсырыстарды жаңа тапсырыстардың түсуіне қарағанда жылдамырақ орындауда). Бұл сектордың сұраныстың одан әрі әлсіреуіне осалдығын арттырады және алдағы айларда күрделі жағдайдың сақталу мүмкіндігін жоққа шығармайды. Ұлттық Банктің ақша-кредит саясатын біртіндеп жұмсарту циклін жалғастыруы салаға белгілі бір қолдау көрсетуі мүмкін. Алайда базалық мөлшерлеменің төмендеуі бірден әсер етпейді — мұндай шешімдердің экономикаға берілуі, әдетте, уақытша лагпен жүзеге асады және нарықтық жағдайларға байланысты болады. Сондықтан кәсіпорындар қаржыландыру шарттарының айтарлықтай жақсарғанын тек орта мерзімді перспективада сезінуі мүмкін.»




рекордты көрсеткіштен сәл ғана баяулап, қысқара түсті. Оған қоса, дайын өнімді тапсырыс берушілерге жедел жөнелту дайын тауар қорының рекордтық деңгейге жуық қысқаруына әкелді.

Қазіргі күрделі экономикалық ахуалға орай, өндірушілер шілдеде өндіріс көлемінің болашағына қатысты жоғары оптимизм таныта алмады. Іскери сенім COVID-19 пандемиясынан бергі ең төмен мәнге түсіп, ең әлсіз көрсеткіштердің бірі болды.

Жұмыс көлемі азайғандықтан, компаниялар өндіріс пен жұмысқа алуды ғана емес, сатып алу белсенділігін де қысқартты. Дегенмен ресурсты сатып алуды азайту қарқыны мардымсыз әрі маусыммен салыстырғанда бәсеңдеді, өйткені кей компаниялар болашақ өндіріске дайындық ретінде тауар қорын жинады. Сөйте тұра, қоймадағы қор күрт азая берді.

Ай ішінде ресурс сатып алған компаниялар жеткізу мерзімінің ұзарғанын аңғарды, оған негізінен Қытай мен Ресей шекараларындағы кедендік кідірістер ықпал етті. Бұған қоса, жүк жеткізуде 2024 жылғы қазаннан бергі ең ұзақ мерзім тіркелді.

Энергия мен шикізатқа шығынның ұлғаюы шілдеде ресурс бағасының одан әрі қымбаттауына әкелді. Инфляция қарқыны елеулі болса да, соңғы төрт айдағы ең бәсеңі еді. Сол секілді, дайын өнім бағасының инфляция қарқыны да бәсеңдеп, аз ғана өсті. Іс жүзінде, сату бағасының бұл жолғы қымбаттау қарқыны 2024 жылғы сәуірден бергі ең баяу көрсеткіш.



## Байланысушы тұлға

Салтанат Мухамбеталиева  
Экономикалық зерттеулер  
және талдау басшысы  
Freedom Holding Operations  
ЖШС  
[saltanat.mukhambetaliyeva@frhc.group](mailto:saltanat.mukhambetaliyeva@frhc.group)  
Freedom Holding Corp.

Эндрю Харкер  
Экономика жөніндегі  
директор  
S&P Global Market Intelligence  
T: +44 (0) 1491 461 016  
[andrew.harker@spglobal.com](mailto:andrew.harker@spglobal.com)

Қоғаммен байланыс  
департаменті  
Freedom Finance Global PLC  
[pr@ffin.kz](mailto:pr@ffin.kz)  
Freedom Holding Corp.

Ханна Брук  
ЕМЕА елдері бойынша  
коммуникация менеджері  
S&P Global Market Intelligence  
T: +44 (0) 7483 439 812  
[hannah.brook@spglobal.com](mailto:hannah.brook@spglobal.com)  
[press.mi@spglobal.com](mailto:press.mi@spglobal.com)

Егер S&P Global жаңалықтар релизін алғыңыз келмесе [press.mi@spglobal.com](mailto:press.mi@spglobal.com) поштасына хабарлаңыз. Біздің құпиялық саясатымыз туралы [осы тұстан](#) оқыңыз.

## Әдістеме

Freedom Holding Corp. Қазақстандағы өңдеуші салалар бойынша PMI® 250 жуық өндіруші компанияның сату жөніндегі менеджерлеріне жіберген сауалнамаға берілген жауаптар негізінде S&P Global әзірлеген. Бұл панел ЖІӨ-дегі үлесіне қарай нақты салалар мен компанияның жұмыс күшінің ауқымы бойынша жіктелген. Дерек жинау 2019 ж. наурыз айынан басталды.

Сауалнама жауаптары әр айдың екінші жартысында жиналады және оның алдындағы аймен салыстырғандағы өзгеріс бағытын көрсетеді. Таралу индексі әр сауалнама айнаымалысы үшін есептеледі. Индекс - «жоғары» жауаптар пайызының қосындысы және «өзгермеген» жауаптар пайызының жартысы. Индекс 0 мен 100 аралығында құбылады, 50-ден жоғары мән алдыңғы аймен салыстырғандағы жалпы өсімді, 50-ден төмен жалпы қысқаруды білдіреді. Индекс маусымға қарай түзетіліп отырады.

Негізгі көрсеткіш - Сату жөніндегі менеджерлер индексі™ (PMI). PMI - келесі бес индекстің орташа есептелген мәні. Жаңа тапсырыстар (30%), Өндіріс (25%), Жұмыспен қамту (20%), Жеткізіп беру уақыты (15%) және Сатылым қоры (10%). Жеткізіп беру уақыты бойынша PMI есептеу үшін өзге индекстермен салыстырмалы бағытта қозғалатындай етіп алмастырылады.

Базалық сауалнама деректері жарияланған соң қайта қаралмайды, бірақ маусымдық түзету факторлары қажет кезде қайта қаралуы мүмкін, бұл маусымға орай түзетілген кейбір деректерге ықпал етеді.

PMI сауалнама әдістемесі туралы толық ақпарат алу үшін [economics@spglobal.com](mailto:economics@spglobal.com) поштасына жазыңыз.

## S&P Global ұсынған PMI

Сату менеджерлері индексі™ (PMI®) сауалнамалары қазір 40 астам мемлекетте, оған Еуроаймақты қоса отырып, маңызды өңірлерде жүргізіледі. Бұл аса мұқият зерделенетін әлемдік бизнес сауалнама, ол уақтылы, дәл және әдетте ай сайынғы экономикалық трендтердің айрықша индикаторы болатын деректерді ұсынатындықтан, орталық банктер, қаржы нарықтары, бизнестегі шешім қабылдаушы тұлғалар арасында танымал.

[www.spglobal.com/marketintelligence/en/mi/products/pmi](http://www.spglobal.com/marketintelligence/en/mi/products/pmi)

## Ескерту

Осы құжаттағы мәліметтердің зияткерлік меншігі не лицензиясы S&P Global және/немесе оның еншілес компанияларына тиесілі. S&P Global алдын-ала жазбаша мақұлдамаса деректі кез-келген түрде рұқсатсыз қолдану, оның ішінде есепсіз көшіру не басқаша пайдалануға тиым салынады. S&P Global осы құжатта баяндалған мазмұн немесе ақпарат («Деректер»), Деректердегі кез келген қателік, шатасу, олқылық немесе кідірістерге қатысты және соларға сүйеніп жасалған әрекеттерге қатысты ешқандай жауапкершілік, міндеттеме немесе жүктеме алмайды. S&P Global Деректі қолданудан туған кез-келген арнайы, кездейсоқ немесе жанама шығындар үшін жауап бермейді. Сату менеджерлерінің индексі™ және PMI® сауда белгісі - S&P Global Inc тіркеген немесе S&P Global Inc және оның еншілестері лицензияланған сауда белгісі.

Бұл контентті S&P Global Ratings емес S&P Global Market Intelligence жариялады және алдыңғы аталған ұйым S&P Global құрамындағы жеке құрылым. Тиісті тараптан алдын-ала жазбаша рұқсат алмаған жағдайда рейтингді қоса («Контент») ақпаратты, дерек пен материалды көшіріп басуға тиім салынады. Сол тарап, оның еншілестері мен жеткізушілері («Контент жеткізушілері») кез-келген Контенттің нақтылығы, адекваттылығы, толыққандылығы, уақтылы болуы, оған қол жеткізілуіне кепілдік бермейді және (салғырттық немесе басқа) себебіне қарамастан кез-келген қателік немесе мүлт кетуге, осындай Контентті қолданудан туған нәтижеге жауап бермейді. Контент ұсынушылар ақпаратты кез-келген қолданудан туындаған (кірісті немесе пайданы жоғалту және балама шығындарды қоса алғанда) кез келген залал, шығын, зиян, сот алымдары немесе қаржылай шығыстар үшін жауапкершілік алмайды.

## Freedom Holding Corp.

Freedom Holding Corp. әртараптандырылған қаржылық қызмет көрсететін компания, брокерлік қызметпен, бағалы қағаздар саудасымен, инвестициялық зерттеулермен және консультация берумен, инвестициялық банктік және андеррайтингтік қызметтермен, ипотекамен, сақтандырумен, телекоммуникациямен, әуе билеттері мен мәдени және спорттық іс-шараларға билеттерді онлайн сатумен айналысады, онлайн супермаркет қызметтерін және басқаларын ұсынады.

Freedom Holding Corp. компаниясының еншілес компанияларын ескере отырып, 11,3 мыңнан астам қызметкері бар.

Холдингтің бөлімшелері мен еншілес компаниялары Қазақстан, АҚШ, Кипр, Польша, Испания, Өзбекстан, Әзірбайжан және басқаларын қоса алғанда 21 елде орналасқан.

Freedom Holding Corp. компаниясының жай акциялары АҚШ-тың Бағалы қағаздар және биржалар жөніндегі комиссиясында тіркелген және Nasdaq Capital Market-те FRHC тикерімен саудаланады.

[www.freedomholdingcorp.com](http://www.freedomholdingcorp.com)

## S&P Global

Негізгі ақпаратты жеткізуші S&P Global (NYSE: SPGI). Үкімет, компаниялар және жеке тұлғалар сенімді шешім қабылдауы үшін, біз оларға қажет нақты деректер, тәжірибе және жүйеленген технология ұсынамыз. Клиенттердің жаңа инвестицияларды бағалауына көмектесіп, оларға ESG мәселесі бойынша кеңес беріп, жеткізу тізбегіндегі энергияның жаңа көзіне ауысуына ықпал ету арқылы біз жаңа мүмкіндіктер ашамыз, мәселелерді шешіп, бүкіл әлемдік прогресті тездетеміз.

Әлемдегі көптеген жетекші компаниялар кредит рейтингін жасау, мақсатты көрсеткіштер, әлемдік капитал, шикізат және автокөлік нарығындағы еңбек ағынын басқару әрі талдау мақсатында бізге жүгінеді. Әр ұсыныс арқылы біз әлемдегі жетекші ұйымдардың болашағын бүгін болжуына көмектесеміз.

[www.spglobal.com](http://www.spglobal.com)